

Zeitschrift: BKGV-News
Herausgeber: Berner Kantonalgesangverband
Band: - (2025)
Heft: 1

Artikel: Laudatio Monika Lüthi
Autor: Ryf, Barbara
DOI: <https://doi.org/10.5169/seals-1092204>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 28.04.2026

ETH-Bibliothek Zürich, E-Periodica, <https://www.e-periodica.ch>

Laudatio Monika Lüthi

Mitglied Geschäftsleitung 2003 bis 2025.

Monika, wo du 2003 bisch gwählt worde, hesch du vor Brigitta Hoffmann e Teil vo de Sekretariatsarbeite übernoh. Scho gly hesch du zuesätzlech die administrative Arbeite us em Ressort Jugend vom Erich Roth übernoh.

Ab 2005 hesch du ds BKGK-Sekretariat eleini gfuehrt u dernäbe immer no die administrative Ufgabe für ds Ressort Jugend gfuehrt.

Zäme mit em Erich Roth hesch du 2006 dr erscht Bärner Jugendsingtag organisiert.

2009 hesch de das Ressort Jugend grad ganz übernoh. Näbst em Sekretariat, natürlech.

Im 2013 hesch du ds Sekretariat ar Eveline Altwegg chönne abgäh u di voll und ganz dr Jugend u de Veterane widme. Itz bisch du so richtig i dim Elemänt gsi. Dir isch d'Jugendförderig immer sehr am Härze gläge.

2014 het im Schlossguet die erschti MünSingereistattgfunde. Mit vii Härzbluet hesch du Sponsore gsuecht, Workshops organisiert, gluegt, dass die Ching verpflegt si u aus ribigslos louft. Es isch e tolle Tag gsi mit luter zfridene Ching. E grosse Erfolg.

2021 hesch du ds Ressort Jugend a d'Erika Dürr abgäh.

Ab 2024 hesch du o ds Ressort Veteranen a d'Erika abgäh u vo ihre ds Sekretariat wieder übernoh.

Uf d'DV 2025 hesch du di Demission us dr Geschäftsleitig vom BKGK igreicht mit de Wort, mir söue de kes Gheie um di Rücktritt mache.

Nei, mir mache kes Gheie. Aber chli Ehr wei mir dir scho atue.

Monika, du hesch sage und schreibe 22 Jahr ir Geschäftsleitig vom BKGK gschaffet.

22 Jahr, wo du mit vii Härzbluet, Kämpferhärz u unermüedlech Wille e grosse Teil vo dire Freizeit

füre BKGK gä hesch. I säge äxtra gä u nid gopferet. Wüu, es Opfer isch es für di nie gsi. Das hani scho a mire erschte Sitzig gmerkt. Da isch öpper, wo mit vii Lideschaft u vii Härz für e BKGK, für üsi Chör, für aui Singende schaffet. Du hesch nie nei gseit, wes isch um Arbeit gange. Uf di het me sech au die Jahr chönne verlah, du hesch nid nume ds Sekretariat sehr zueverlässig gfuehrt, nei, du hesch di vor allem ou für d'Jugend, üse Nachwuchs ygsetzt.

Du hesch unzählegi Veterane-Ehretage bsuecht, du hesch änge Kontakt zu üsne Chinder- u Jugendchör pflegt u bisch se regelmässig a Konzärt ga bsueche. Du bisch immer wieder a Sängertage u Delegierteversammlige vo üsne Chorvereinigunge gsi. Du bisch ir ganze Schwiz umegreist, füre BKGK a Nationale Jugendsingtage u Versammlige vor Schwizerische Chorvereinigung z verträte. Nei, dir isch no nie e Wäg z läng oder z umständlech gsi, für d'Bärner Chör z repräsentiere.

I weiss, du hesch es glibt, hesch vii interessante Mönsche glehrt kenne u di mit ihne über dini grossi Lideschaft, Chorsinge, chönne ustusche. Mit dine Wort, «du hesch vii wunderbari Momänte erläbt, u für di si die es grosses Gschänk gsi».

Monika, für mi u für di ganzi Bärner Chorfamilie isch es es grosses Gschänk gsi, di dörfe lehre z kenne. I has sehr gschetzt, mit dir z schaffe oder Versammlige z bsueche. Du hesch mi mängisch inspiriert.

Itz hesch du dr Wunsch, chürzer z träte. Das verstöh mir, das respektiere mir. Drum lö mir di mit e re Träne im Ougewinku zieh, aber nid ohni dir es grosses MERSI vii mau z säge.

Monika, mir wünsche dir witerhin vii gfröiti Stunde mit dir grosse Lideschaft Chor. Mir wünsche dir aber vor auem o ganz gueti Xundheit, dass du dire Lideschaft no lang chasch nachegah.

*Geschäftsleitung Berner Kantonalgesangverband
BKGK, Barbara Ryf*



Laudatio Monika Lüthi



Esther Kuster



Eifach singe



Gaby Winzenried



Hans Küng mit Rosmarie Wieland und dem Ehrenwein